

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA NANE**

**KIKAO CHA TISA**

4 FEBRUARI, 2010



## ORODHA YA SHUGHULI ZA LEO

---

### MKUTANO WA KUMI NA NANE

KIKAO CHA TISA – TAREHE 4 FEBRUARI, 2010

#### I. HATI ZA KUWASILISHA MEZANI:

##### WAZIRI WA FEDHA NA UCHUMI:

Hati ya Nyongeza ya Makisio ya Matumizi Na. 1 ya Mwaka 2009/2010 [*The Supplimentary Estimates of Expenditure No. 1 of 2009/2010*].

## **II. MASWALI KWA WAZIRI MKUU:**

## **III. MASWALI YA KAWAIDA:**

### **WAZIRI MKUU:**

#### **93. MHESHIMIWA JAMES PHILIPO MUSALIKA (NYANG'HWALE):**

Atamuuliza Mheshimiwa Waziri Mkuu:- Kwa kuwa, katika mwaka wa fedha 2007/2008 Serikali ilitoa shilingi milioni kumi na nne (14,000,000/=) chini ya mpango wa **MMES** kwa ajili ya ujenzi wa Maabara lakini taarifa ya Mkaguzi wa Ndani wa Halmashauri ya Geita inaonyesha kuwa, fedha hizo zilifanyiwa ubadhirifu ambao ulishatolewa taarifa kwa Waziri wa Fedha na Uchumi tangu mwezi Julai 2009 na akaahidi kupeleka wataalam wake kuchunguza jambo hilo:-

- (a) Je, Serikali inawaambia nini wananchi wa Bukwimba juu ya hatma ya ujenzi wa Maabara;
- (b) Je, Serikali inafahamu kuwa, timu mbili za wataalamu zilizotumwa kuchunguza tatizo hilo, wamefanya uchunguzi wao bila kuhusishwa **WDC** wa Bodi ya Shule hiyo hivyo kuweka mashaka juu ya usahihi wa taarifa ya uchunguzi wao.

**94. MHESHIMIWA MICHAEL LEKULE LAIZER  
(LONGIDO):**

Atamuuliza Mheshimiwa Waziri Mkuu:- Kwa kuwa, Longido ni Wilaya mojawapo ambayo haina hospitali ya Wilaya hivyo kusababisha wagonjwa wengi kukosa huduma:-

Je, ni lini Serikali itajenga hospitali ya Wilaya ya Longido.

**WIZARA YA HABARI, UTAMADUNI NA  
MICHEZO:**

**95. MHESHIMIWA RICHARD MGANGA NDASSA  
(SUMVE):**

Atamuuliza Mheshimiwa Waziri wa Habari, Utamaduni na Michezo:- Kwa kuwa, wachezaji wetu mara nyingi wanaposhindwa kufanya vizuri katika mashindano ya Kimataifa kama yale ya Olimpiki yaliyofanyika China ambapo washiriki wetu walishindwa hutoa kisingizio cha maandalizi duni; na kwa kuwa, mwaka 2012 mashindano ya Olimpiki yatafanyikia Uingereza ambapo washiriki wa nchi nyingine wameshaanza maandalizi:-

Je, washiriki wetu wanaandaliwaje ili wasije kutoa kisingizio cha maandalizi duni pindi watakaposhindwa.

**96. MHESHIMIWA PARMUKH SINGH HOOGAN (KIKWAJUNI):**

Atamuuliza Mheshimiwa Waziri wa Habari, Utamaduni na Michezo:- Kwa kuwa, hivi karibuni kulikuwa na mashindano ya Kombe la Kagame, na kwamba dosari iliyojitokeza ni pale timu ya Yanga iliposhindwa kupeleka wachezaji uwanjani:-

(a) Je, ni sababu gani za msingi zilizo-sababisha timu hiyo isiende uwanjani;

- (b) Je, kila timu iliyoshiriki mashindano hayo ilipata mapato gani.

## **WIZARA YA MIUNDOMBINU:**

### **97. MHESHIMIWA GEORGE BONIFACE SIMBACHAWENE (KIBAKWE):**

Atamuuliza Mheshimiwa Waziri wa Miundombinu:- Kwa kuwa, Sheria ya Manunuzi ya mwaka 2004; imeweka utaratibu katika Kanuni yake ya mwaka 2005, kifungu cha 59 (1) - (5) juu ya utengenezaji wa magari, mitambo na vifaa mbalimbali vya Serikali:-

- (a) Je, kwa nini Wizara/Idara mbalimbali za Serikali hazitumii ipasavyo karakana za Serikali zilizopo kila Mkoa;

- (b) Je, ni nani mwenye jukumu la kisheria kuainisha karakana za watu binafsi kufanya matengenezo ya vifaa mbalimbali vya Serikali;
- (c) Je, ni nani mwenye mamlaka kisheria kusema karakana za Serikali zimeshindwa kutekeleza kazi zake na hivyo kutoa kibali kazi hizo zitengenezwe kwenye karakana za watu binafsi.

**98. MHESHIMIWA JUMA HASSAN KILLIMBAH (IRAMBA MAGHARIBI):**

Atamuuliza Mheshimiwa Waziri wa Miundombinu:- Kwa kuwa, katika Mkutano wa Bajeti wa mwaka 2006 niliuliza swali juu ya ujenzi wa eneo korofi la Sekenke - Nkonkilangi linalogawanyishwa na Mto Kyenkang'ombe; na kwa kuwa, Naibu Waziri alitembelea eneo hilo na kuona jinsi wananchi wa eneo hilo wanavyopata kero kubwa; na kwa kuwa, Serikali, iliagiza **TANROADS** kutengeneza eneo hilo kwa gharama ya shilingi milioni 262 fedha ambazo **TANROADS** hawakuwa nazo:-

- (a) Je, kwa nini Serikali isianganie uwezekano wa kupata fedha kwa namna nyingine ili eneo hili litengenezwe na hivyo

kuwaondolea kero wananchi wa maeneo ya Doromoni, Migilango, Tyegelo, Ndurumo, Luono hadi Kidaru ambao ndio watumiaji wa barabara hiyo;

- (b) Je, ni kwa nini kunakuwa na ukarabati wa viwango hafifu ambao unasababisha kuharibika mapema kwa barabara husika na kuhitajika ukarabati wa mara kwa mara kwa kila mwaka;
- (c) Je, Serikali inachukua hatua gani dhidi ya watendaji wasio wazuri ambao hutoa majibu yasiyoridhisha pale wanapotakiwa kutoa maelezo juu ya hali halisi ya barabara.

## **WIZARA YA KILIMO, CHAKULA NA USHIRIKA:**

### **99. MHESHIMIWA FATMA MAGHIMBI (CHAKE CHAKE):**

Atamuuliza Mheshimiwa Waziri wa Kilimo, Chakula na Ushirika:- Kwa kuwa, Kilimo ni Uti wa Mgongo wa Taifa letu; na kwa kuwa, Serikali ina nia ya kusaidia viwanda vya

kusindika matunda vinavyojengwa katika Mikoa mbalimbali:-

Je, Serikali ina mkakati gani wa kujenga mazingira ya kuwawezesha wakulima kusafirisha matunda nje ya nchi katika dhana nzima ya **MKUKUTA**.

## **WIZARA YA MAJI NA UMWAGILIAJI:**

### **100. MHESHIMIWA FRED TUNGU MPENDAZOE (KISHAPU):**

Atamuuliza Mheshimiwa Waziri wa Maji na Umwagiliaji:- Kwa kuwa, idadi ya watu katika Mji wa Maganzo imeongezeka sana na kwamba kuna upungufu mkubwa wa maji ambao umekuwa kero kubwa kwa wananchi na kupunguza kasi ya maendeleo:-

Je, Serikali ina mikakati gani ya kutatua kero ya maji katika Mji wa Maganzo.

### **101. MHESHIMIWA BENEDICT OLE NANGORO**

## **(KITETO):**

Atamuuliza Mheshimiwa Waziri wa Maji na Umwagiliaji:- Kwa kuwa, Mji wa Kibaya una tatizo kubwa la maji na kwamba mfumo wa mabomba ya maji yanayotumika sasa ni wa zamani tangu mwaka 1961 na ulikarabatiwa mara ya mwisho mwaka 1974; na kwa kuwa, Mradi wa Maji wa Kibaya ulishabuniwa na kuanza kutekelezwa na baadae ukasimama:-

- (a) Je, ni sababu zipi zilizofanya mradi huo kusimama;
- (b) Je, ni lini Serikali itakamilisha mradi huo muhimu ili wakazi wa Mji wa Kibaya wapate huduma hizo muhimu za maji.

## **IV. MISWADA YA SHERIA YA SERIKALI:**

*(Kusomwa Hatua zake zote)*

Muswada wa Sheria ya Kuidhinisha Matumizi ya Nyongeza wa Mwaka 2010 [*The Supplementary Appropriation Bill, 2010*].

## **V. HOJA ZA SERIKALI:**

**WAZIRI WA FEDHA NA UCHUMI:**

Mapendekezo ya Mwongozo wa utayarishaji wa Mpango wa Taifa kwa Mwaka wa Fedha 2010/2011.

**DODOMA  
4 FEBRUARI, 2010**

**DKT. T.D. KASHILILAH  
KATIBU WA BUNGE**